

Broj: 01-02-3-2139/16/16
Sarajevo, 08.12.2016. godine

Z A P I S N I K
16. VANREDNE SJEDNICE PREDSTAVNIČKOG DOMA PARLAMENTA
FEDERACIJE BIH, održane 29. i 30.11.2016. godine

Sjednica je počela u 10.41.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Munib Jusufović, Bilsena Šahman, Jasna Duraković-Hadžiomerović, Kenela Zuko te ministri: Nermin Džindić, Edita Đapo, Amir Zukić i Elvira Dilberović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prešlo se na izjašnjavanje o hitnosti postupka.

Prijedlog Ismeta Osmanovića da se Prijedlog Zakona o izmjenama Zakona o Komisiji za vrijednosne papire, čiji je predlagač, razmatra po hitnom postupku, na osnovu pojedinačnog izjašnjavanja, usvojen je (50 glasova za, 14 glasova protiv i 22 uzdržana glasa).

Prijedlog Vlade Federacije BiH da se Prijedlog Zakona o izmjenama i dopunama Zakona o izvršavanju Budžeta Federacije BiH za 2016. godinu razmatra po hitnom postupku je usvojen (54 glasa za, 15 glasova protiv i 17 uzdržanih glasova).

Prijedlog Vlade Federacije BiH da se Prijedlog Odluke o izmjenama i dopunama Budžeta Federacije BiH za 2016. godinu razmatra po hitnom postupku je usvojen (54 glasa za, 22 glasa protiv i 11 uzdržanih glasova).

Sa 57 glasova za, uz 12 glasova protiv i uz 17 uzdržanih glasova, usvojen je sljedeći:

D N E V N I R E D

1. Prijedlog Zakona o izmjenama Zakona o Komisiji za vrijednosne papire (predlagač: Ismet Osmanović) hitni postupak,
2. Prijedlog Zakona o izmjenama i dopunama Zakona o izvršavanju Budžeta Federacije BiH za 2016. godinu – hitni postupak,
3. Prijedlog Odluke o izmjenama i dopunama Budžeta Federacije BiH za 2016. godinu – hitni postupak,
4. Prijedlog Zakona o izmjeni Zakona o sistemu poboljšanja kvaliteta sigurnosti i o akreditaciji u zdravstvu – skraćeni postupak,
5. Nacrt Zakona o registru finansijskih izvještaja,
6. Nacrt Zakona o računovodstvu i reviziji u Federaciji BiH,
7. Nacrt Zakona o bankama,
8. Nacrt Zakona o Agenciji za bankarstvo Federacije BiH,

9. Nacrt Zakona o izmjenama i dopunama Zakona o tržištu vrijednosnih papira,
10. Dokument okvirnog Budžeta Federacije BiH za period 2017.-2019. godina,
11. Izbori i imenovanja.

Nasir Beganović predložio je, što je prihvaćeno, da se kod tačaka koje tretiraju Budžet prvo razmatra 3. tačka pa onda 2. tačka. Odlučeno je da se rasprava o ove dvije tačke objedini.

1. Prijedlog Zakona o izmjenama i dopunama Zakona o Komisiji za vrijednosne papire (predlagač: Ismet Osmanović) hitni postupak

Prijedlog Zakona dodatno je obrazložio predlagač Ismet Osmanović.

U raspravi su učestvovali: Faruk Čupina (povukao amandman na ovaj prijedlog Zakona), Dennis Gratz, Nasir Beganović, Azra Hadžiahmetović i Ismet Osmanović.

Predsjedavajući je pozvao zastupnike da se izjasne o ovom prijedlogu Zakona. Nakon glasanja, Elvir Karajbić zatražio je pojedinačno izjašnjenje. Sa 53 glasa za, uz 17 glasova protiv i uz 20 uzdržanih glasova, usvojen je Prijedlog Zakona o izmjenama i dopunama Zakona o Komisiji za vrijednosne papire.

2. Prijedlog Zakona o izmjenama i dopunama Zakona o izvršavanju Budžeta Federacije BiH za 2016. godinu – hitni postupak

3. Prijedlog Odluke o izmjenama i dopunama Budžeta Federacije BiH za 2016. godinu – hitni postupak

Kao što je i dogovoreno u vezi sa ove dvije tačke objedinjena je rasprava.

Dodatno obrazloženje dala je ministrica Jelka Milićević.

U raspravi su učestvovali: Elvir Karajbić, Dennis Gratz, Faruk Čupina, Zana Marjanović, Nermin Nikšić, Dževad Adžem, Jasmin Kadić, Saša Mitrović, Jasmina Zubić, Ismet Kurić, Nasir Beganović, Ilhan Bušatlić, u ime Saveza ratnih vojnih invalida paraplegičara Mujo Aganović i ministrica Jelka Milićević.

Sa 52 glasa za, uz 23 glasa protiv i uz tri uzdržana glasa, usvojen je Prijedlog Odluke o izmjenama i dopunama Budžeta Federacije BiH za 2016. godinu.

Sa 54 glasa za, uz 22 glasa protiv i uz četiri uzdržana glasa, usvojen je Prijedlog Zakona o izmjenama i dopunama Zakona o izvršavanju Budžeta Federacije BiH za 2016. godinu.

4. Prijedlog Zakona o izmjeni Zakona o sistemu poboljšanja kvaliteta sigurnosti i o akreditaciji u zdravstvu – skraćeni postupak

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Predstavnik Vlade Federacije BiH dao je dodatno obrazloženje.

Prije otvaranja pretresa potpredsjedavajući je, na osnovu člana 172. stav 3. Poslovnika, kazao da se ne radi o složenom i obimnom zakonu te pozvao zastupnike

da se izjasne da li će se razmatrati po skraćenom postupku, što je sa 51 glasom za, uz 13 glasova protiv i uz četiri uzdržana glasa, usvojeno.

U raspravi niko nije učestvovao.

Sa 51 glasom za, uz 14 glasova protiv i uz tri uzdržana glasa, usvojen je Prijedlog Zakona o izmjeni Zakona o sistemu poboljšanja kvaliteta sigurnosti i o akreditaciji u zdravstvu.

Data je pauza do 14.30.

Nakon pauze nastavio se rad po 5. tački dnevnog reda.

5. Nacrt Zakona o registru finansijskih izvještaja

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi niko nije učestvovao.

Sa 51 glasom za, uz pet glasova protiv i uz 11 uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o registru finansijskih izvještaja i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge koji su dostavljeni ili će biti dostavljeni u pisanoj formi.

6. Nacrt Zakona o računovodstvu i reviziji u Federaciji BiH

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali Safet Kešo, Jasmina Zubić i Mujo Hasić.

Sa 46 glasova za, uz pet glasova protiv i uz 18 uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o računovodstvu i reviziji u Federaciji BiH i smatra da može poslužiti kao dobra osnova za izradu prijedloga Zakona.

Zadužuje se predlagač da organizira i provede javnu raspravu u skladu sa propisima i procedurama za organizaciju i provedbu javne rasprave.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

7. Nacrt Zakona o bankama

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali Elvir Karajbić i Faruk Ćupina.

Sa 47 glasova za, uz tri glasa protiv i uz 21 uzdržani glas, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o bankama i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koji su dostavljeni ili će biti dostavljeni u pisanoj formi.

8. Nacrt Zakona o Agenciji za bankarstvo Federacije BiH

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali: Jozo Bagarić, Jasmina Zubić, Ismet Osmanović i Jusuf Bubica.

Sa 43 glasa za, uz tri glasa protiv i uz 18 uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o Agenciji za bankarstvo Federacije BiH i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge koji su dostavljeni ili će biti dostavljeni u pisanoj formi.

9. Nacrt Zakona o izmjenama i dopunama Zakona o tržištu vrijednosnih papira

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi niko nije učestvovao.

Sa 45 glasova za, uz četiri glasa protiv i uz 16 uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o tržištu vrijednosnih papira i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge koji su dostavljeni ili će biti dostavljeni u pisanoj formi.

10. Dokument okvirnog Budžeta Federacije BiH za period 2017. - 2019. godina

Dokument okvirnog budžeta utvrdila je Vlada Federacije BiH.

Dokument okvirnog budžeta razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi su učestvovali Zana Marjanović, Faruk Ćupina i Dževad Adžem.

Predstavnički dom primio je k znanju Dokument okvirnog Budžeta Federacije BiH za period 2017. - 2019. godina.

Predsjedavajući je kazao da će sa preostalim tačkama dnevnog reda nastaviti sutra.

Predsjedavajući je prekinuo rad sjednice u 16.45.

* * *

NASTAVAK 16. VANREDNE SJEDNICE PREDSTAVNIČKOG DOMA PARLAMENTA FBIH, održane 30.11.2016.

Sjednica je počela u 10.45.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Jasna Duraković-Hadžiomerović, Kenela Zuko, Ilhan Bušatlić, Belma Pojskić i Elma Đogić, te ministri Edita Đapo i Nermin Džindić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prije početka rada, Domu se obratio Mujo Aganović, predsjednik Saveza RVI paraplegičara, koji je rukovodstvu Predstavničkog doma Parlamenta Federacije BiH uručio zahvalnicu zbog podrške Predstavničkog doma Savezu paraplegičara i RVI 100% kategorije.

Nastavljen je rad.

11. Izbori i imenovanja

Komisija za izbor i imenovanja na svojoj 20. sjednici razmatrala je Prijedlog Odluke o imenovanju Upravnog odbora Agencije za bankarstvo Federacije BiH.

Izveštaj Komisije dostavljen je zastupnicima.

U ime Komisije dodatno obrazloženje dao je predsjednik Mladen Bošković.

U raspravi je učestvovao Ilhan Bušatlić.

Sa 51 glasom za, uz 13 glasova protiv i uz 13 uzdržanih glasova, Predstavnički dom donio je Odluku o imenovanju Upravnog odbora Agencije za bankarstvo Federacije BiH, gdje se imenuju: Ljerka Marić, Meliha Bašić, Samir Bakić, Želimir Raspudić i Velid Efendić. U ime Kluba zastupnika DF Dženan Đonlagić, izrazio je sumnju u rezultate glasanja, te je, na osnovu pojedinačnog izjašnjenja (52 glasa za, 18 glasova protiv i 11 uzdržanih glasova), donosena Odluka o imenovanju Upravnog odbora Agencije za bankarstvo.

Predsjedavajući je zaključio rad 16. vanredne sjednice u 11.10.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić